

四庫全書

史部

欽定四庫全書

皇朝文獻通考卷一百六十一

樂考

七

樂器一

臣等謹按聲音之道由器數以宣器數不準於律而欲收依永和聲之雅難矣我

朝禮明樂備集千古之大成第

郊壇

廟祀朝會燕享諸樂器典于伶官藏于內府其見于禮器圖及西清寶鑑等書者又非人間所能窺見易致謬舛今謹詳列其制以補前考所未備庶使審音察理者叅稽考索知所辨証云

金之屬

鐃鐘

律呂正義後編曰按周禮春官鐃師注鐃如鐘而大樂器圖鐃鐘十二各應律呂之音凡合樂以某

律為宮則擊本律之鐘以宣之孟子所謂金聲是也漢志古之神瞽度律均鐘以律計倍半以為鐘口之徑及上下之數而十二律備焉乾隆己卯冬于西江得古鑄鐘當西師奏凱之時功成樂作式彰瑞應

上既為釐定其名正譌辨異復

詔樂部稽考仿鑄用備特懸

御製銘詞昭示無極昔我

聖祖仁皇帝審定元音得古尺九寸為今尺七寸二分九釐以為黃鍾之長而八音制度悉協中和今遵用七寸二分九釐之數參考本律倍半之法鑄就鑄鐘于十二律呂之音自相應合蓋酌古準今允為宮懸雅樂之定制焉

鑄鐘第一圓聲應黃鍾之律兩樂高一尺八寸二分二釐中高一尺六寸二分兩銑相距一尺五寸一分八釐橫距一尺一寸三分九釐兩舞相距一

尺一寸九分六釐橫距一尺零三分六釐甬長一  
尺零八分甬上衡徑三寸八分甬下徑四寸三分  
二釐旋徑四寸八分濶一寸四分四釐蟲長三寸  
零三釐濶一寸八分二釐厚一寸二分一釐蟲孔  
長一寸五分一釐濶一寸零一釐乳凡三十六高  
一尺四分四釐鐫識處高九寸一分一釐上濶三  
寸零三釐下濶四寸零五釐

御製銘曰自古在昔功成作樂辨物涓吉鑄此鐘鐸

皇祖正音中和大備詎獨自遺或存

深意績底西旅瑞出西江考制象器協和萬邦一虞特懸  
用起律首編鐘繼奏簫韶成九寬橫樂舞必考必精  
慎遵

前憲敢或損增宣陽導陰立均出度萬事本根百王矩矱  
繫余小子蒙業

重熙賴

天者定惟曰際時範器識年悉新已盛銘無溢辭惕乾懋

敬

鑄鐘第一黃鍾

大清乾隆二十有六年歲在辛巳冬十一月乙未朔越  
六日庚子鑄成

鑄鐘第二圜聲應大呂之律兩樂高一尺七寸零  
六釐中高一尺五寸一分七釐兩銑相距一尺四  
寸二分二釐橫距一尺零六分六釐兩舞相距一  
尺二寸一分三釐橫距九寸七分甬長一尺零一



分一釐甬上衡徑二寸六分六釐甬下徑四寸零  
四釐旋徑四寸四分九釐濶一寸三分四釐蟲長  
二寸八分四釐濶一寸七分厚一寸一分四釐蟲  
孔長一寸四分二釐濶九分四釐乳凡三十六高  
一寸三分四釐鑄識處高八寸五分三釐上濶二  
寸八分四釐下濶三寸七分九釐

御製銘同前 鑄鐘第二大呂年月同前

鑄鐘第三圓聲應太簇之律兩樂高一尺六寸二

分中高一尺四寸四分兩銑相距一尺三寸五分  
橫距一尺零一分二釐兩舞相距一尺一寸五分  
二釐橫距九寸一分二釐甬長九寸六分甬上衡  
徑二寸五分三釐甬下徑三寸八分四釐旋徑四  
寸二分六釐濶一寸二分八釐蟲長二寸七分濶  
一寸二分六釐厚一寸零八釐蟲孔長一寸三分  
五釐濶九分乳凡三十六高一寸二分八釐鐫識  
處高八寸一分上濶二寸七分下濶三寸六分

御製銘同前 鑄鐘第三太簇年月同前

鑄鐘第四圜聲應夾鍾之律兩欒高一尺五寸一分七釐中高一尺四寸四分八釐兩銑相距一尺二寸六分四釐橫距九寸四分八釐兩舞相距一尺零七分八釐橫距八寸六分三釐甬長八寸九分八釐甬上衡徑二寸三分七釐甬下徑三寸五分九釐旋徑三寸九分九釐濶一寸一分九釐蟲長二寸五分二釐濶一寸五分一釐厚一寸零一

釐蟲孔長一寸二分六釐濶八分四釐乳凡三十  
六高一寸一分九釐鑄識處高七寸五分八釐上  
濶二寸五分二釐下濶三寸三分七釐

御製銘同前 鑄鐘第四夾鍾年月同前

鑄鐘第五圜聲應姑洗之律兩樂高一尺四寸四  
分中高一尺二寸八分兩銑相距一尺二寸橫距  
九寸兩舞相距一尺零二分四釐橫距八寸一分  
九釐甬長八寸五分三釐甬上衡徑二寸二分五

釐角下徑三寸四分一釐旋徑三寸七分九釐濶  
一寸一分三釐蟲長二寸四分濶一寸四分四釐  
厚九分六釐蟲孔長一寸二分濶八分乳凡三十  
六高一寸一分三釐錫識處高七寸二分上濶二  
寸四分下濶三寸二分

御製銘同前 鑄鐘第五姑洗年月同前

鑄鐘第六圓聲應仲呂之律兩樂高一尺三寸四  
分八釐中高一尺一寸九分八釐兩銑相距一尺

一寸二分三釐橫距八寸四分一釐兩舞相距九寸五分八釐橫距七寸六分七釐甬長七寸九分九釐甬上衡徑二寸一分甬下徑三寸一分九釐旋徑三寸五分五釐濶一寸零六釐蟲長二寸二分四釐濶一寸三分四釐厚八分九釐蟲孔長一寸一分二釐濶七分四釐乳凡三十六高一寸零六釐鐫識處高六寸七分四釐上濶二寸二分四釐下濶二寸九分九釐

御製銘同前 鑄鐘第六仲呂年月同前

鑄鐘第七圓聲應蕤賓之律兩樂高一尺二寸八分中高一尺一寸三分七釐兩銑相距一尺零六分六釐橫距七寸九分九釐兩舞相距九寸一分二釐橫距七寸二分八釐甬長七寸五分八釐甬上衡徑一寸九分九釐甬下徑三寸零三釐旋徑三寸三分七釐濶一寸零一釐蟲長二寸一分三釐濶一寸二分七釐厚八分五釐蟲孔長一寸零

六釐濶七分一釐乳凡三十六高一尺零一釐鐫  
識處高六寸四分上濶二寸一分三釐下濶二寸  
八分四釐

御製銘同前 鐫鐘第七蕤賓年月同前

鐫鐘第八圜聲應林鍾之律兩樂高一尺二寸一  
分五釐中高一尺零八分兩銑相距一尺零一分  
二釐橫距七寸五分九釐兩舞相距八寸六分四  
釐橫距六寸九分一釐甬長七寸二分甬上衡徑



一寸八分九釐甬下徑二寸八分八釐旋徑三寸  
二分濶九分六釐蟲長二寸零二釐濶一寸二分  
一釐厚八分一釐蟲孔長一寸零一釐濶六分七  
釐乳凡三十六高九分六釐鐫識處高六寸零七  
釐上濶二寸零二釐下濶二寸七分

御製銘同前 鑄鐘第八林鍾年月同前

鑄鐘第九圜聲應夷則之律兩樂高一尺一寸三  
分七釐中高一尺零一分一釐兩銑相距九寸四

分八釐橫距七寸一分一釐兩舞相距八寸零九  
釐橫距六寸四分七釐甬長六寸七分四釐甬上  
衡徑一寸七分七釐甬下徑二寸六分九釐旋徑  
二寸九分九釐濶八分九釐蟲長一寸八分九釐  
濶一寸一分三釐厚七分五釐蟲孔長九分四釐  
濶六分三釐乳凡三十六高八分九釐鐫識處高  
五寸六分八釐上濶一寸八分九釐下濶二寸五  
分二釐

御製銘同前 鑄鐘第九夷則年月同前

鑄鐘第十圜聲應南呂之律兩欒高一尺零八分  
中高九寸六分兩銑相距九寸橫距六寸七分五  
釐兩舞相距七寸六分八釐橫距六寸一分四釐  
甬長六寸四分甬上衡徑一寸六分八釐甬下徑  
二寸五分六釐旋徑二寸八分四釐濶八分五釐  
蟲長一寸八分濶一寸零八釐厚七分二釐蟲孔  
長九分濶六分乳凡三十六高八分五釐鐫識處

高五寸四分上濶一寸八分下濶二寸四分

御製銘同前 鑄鐘第十南呂年月同前

鑄鐘第十一圜聲應無射之律兩樂高一尺零一分一釐中高八寸九分八釐兩銑相距八寸四分二釐橫距六寸二分二釐兩舞相距七寸一分九釐橫距五寸七分五釐甬長五寸九分九釐甬上衡徑一寸五分八釐甬下徑二寸三分九釐旋徑二寸六分六釐濶七分九釐蟲長一寸六分八釐

潤一寸零一釐厚六分七釐蟲孔長八分四釐潤  
五分六釐乳凡三十六高七分九釐鐫識處高五  
寸零五釐上潤一寸六分八釐下潤二寸二分四  
釐

御製銘同前 鑄鐘第十一無射年月同前

鑄鐘第十二圓聲應應鍾之律兩樂高九寸六分  
中高八寸五分三釐兩銑相距七分九分九釐橫  
距五寸九分九釐兩舞相距六寸八分二釐橫距

五寸四分六釐甬長五寸六分八釐甬上衡徑一  
寸四分九釐甬下徑二寸二分七釐旋徑二寸五  
分一釐濶七分五釐蟲長一寸五分九釐濶九分  
五釐厚六分六釐蟲孔長七分九釐濶五分三釐  
乳凡三十六高七分五釐鐫識處高四寸八分上  
濶一寸六分下濶二寸一分三釐

御製銘同前 鐫鐘第十二應鐘年月同前

鐫鐘十二圍各按月律陳設凡龔虞有四龔虞之

高下視鐘體之大小以為差第一簣虞懸黃鍾大  
呂太簇三鐘通高九尺二寸五分上簣兩頭雕龍  
長五尺四寸高一尺一寸中簣長二尺七寸濶四  
寸厚三寸八分簣上有業雕刻雲龍左右兩虞高  
五尺六寸五分濶四寸厚三寸八分虞下有趺高  
一尺二寸五分濶一尺二寸長二尺四寸趺上有  
垣高三寸垣內雕木為獅獅身出垣九寸五分兩  
虞貫獅背入趺

第二龕虞懸夾鍾姑洗仲呂三鐘通高九尺二寸五分上龕兩頭雕龍長四尺七寸高一尺一寸中龕長二尺一寸濶三寸六分厚二寸八分龕上有業雕刻雲龍左右兩虞高六尺三寸五分濶三寸六分厚二寸八分虞下有趺高九寸濶一尺長二尺一寸趺上有垣高二寸五分垣內雕木為獅獅身出垣六寸五分兩虞貫獅背入趺几墊長二尺三寸濶一尺二寸高一尺三寸



第三簣虞懸甍賓林鍾夷則三鐘通高九尺二寸  
五分左右兩虞高六尺零五分濶三寸六分厚二  
寸八分上簣中簣雕刻雲龍獅趺尺寸並與第二  
簣虞同几墊高一尺六寸長三尺六寸六分濶二  
尺三寸

第四簣虞懸南呂無射應鍾三鐘通高九尺二寸  
五分左右兩虞高五尺六寸五分濶三寸六分厚  
二寸八分上簣中簣獅趺尺寸並與第三簣虞同

几墊高二尺長三尺六寸六分濶二尺三寸

自第二簣虞以下皆施凡墊與第一簣虞高下齊  
平簣虞皆飾以金獅飾以青龍頭銜五采流蘇各  
五

### 編鐘

律呂正義曰今之琴瑟簫管雖非上古之真傳而  
生聲取分猶有徽柱孔徑之可憑至若鐘磬柷敔  
惟用于雅樂故世俗不得見其制而工師無由考

其聲即以鐘言之或虛懸于祠廟或沈浮于水土  
或散見于圖編不但形制不一而且大小迥別有  
上銳中腰細而口徑大者有中腰廣口徑小上徑  
仍小于口徑者有上下一制而中腰獨大者有上  
徑小口徑大形體直而兩角下垂者有形體渾圓  
者有形體扁側者有兩欒獨垂者有底口平正者  
其形體渾圓者乃中古之定制所謂以律計自倍  
半而有中空容積之度分高徑面冪之相差得體

用之兼備者也形體一歸于圓則中腰于上頂下口之大小隨制立法無所不可總不越乎中空容積之多寡焉如中腰廣而口徑小者與上下一制而中腰獨大者蓋皆一理形為橢圓獨上下平耳惟此制為最正而聲音鏗然渾厚且無餘音考之通典三禮圖等書所繪鐘十六枚而懸一虞者亦皆之今禮部太常所用亦仍此制但形體稍扁耳大抵鐘之形制外體宜同其理猶之律呂管徑之

相同也定黃鍾之鐘取其厚薄比驗中容之積以  
為準則次自大呂以下遞減其容積俾由濁而漸  
清夫遞減其容則不得不遞增其厚聲之大者其  
體薄惟體薄則中空大而容受多也聲之細者其  
體厚惟體厚則中空小而容受少也其理猶之律  
呂管籥之有長短也今約其法以為制鐘之準亦  
必本之黃鍾之律先定其中空容積之度分次考  
其實體之厚薄與夫鈞兩之重輕再較其聲音倍

半之所應復度以三分損益之相差而後鐘體之制可言已依制而鑄一體審其音正應黃鍾之律復制倍體以較其聲亦應黃鍾之律既得正體與倍體其間十二聲音之準一取法乎此以斤兩之重輕而三分損益之則自倍體而漸減至正體或自正體而漸加至倍體以度分之厚薄而損益之則自厚體而漸損至薄體自薄體而漸益至厚體總之不越三分損益之理焉倍體正體俱應黃鍾

之律宮聲工字其自倍體所得第十二分即比正  
體差厚微重乃應大呂之呂清宮高工字其第十  
一分則應太簇之律商聲凡字第十分應夾鍾之  
呂清商高凡字第九分應姑洗之律角聲六字第  
八分應仲呂之呂清角高六字第七分應蕤賓之  
律變徵五字其第六分乃應夷則之律徵聲乙字  
而變體所生之第十二分則在倍體所生第七分  
第六分之間其聲始應林鍾之呂清變徵高五字

倍體所生第五分則應南呂之呂清徵高乙字第  
四分應無射之律羽聲上字第三分應應鍾之呂  
清羽高上字第二分應半黃鍾之律變宮尺字而  
倍體所生之第十三分為變體者乃應半大呂之  
呂清變宮高尺字至此清濁二均之一十四聲已  
具然編鐘一十有六取下羽至正羽之陰陽各八  
而用應二倍律二倍呂之四體故取倍體所生第  
二第三第四與第十三變體之半聲而倍體所生



之第二與第十三之變體不用所用者倍體所生  
之第三第四以至第十二合黃鍾之一正體變體  
所生之第十二與四半體共為一十有六以應排

簫之陰陽二均焉

倍體所生之第四分半之應倍夷則之律下羽上字第三分半

之應倍南呂之呂清下羽高上字第二分半之應倍無射之律變宮尺字第十三分變體半之應倍應鍾之呂清詳載其數列表于左

變宮高尺字

倍夷則之鍾

倍者非言鍾之倍體乃聲音倍律倍呂之鍾也故列于黃鍾之前

內高七寸三分一釐六直七絲

中徑六寸八分八釐零一絲

上頂下口內徑俱四寸七分七釐三毫一絲

中容積二百二十五寸一十六分七百五十五釐

八百四十毫

體厚一分三釐三毫

重一百七十九兩七錢

倍南呂之鐘

內高七尺三分零七毫七絲

中徑六寸八分六釐二毫一絲

上頂下口內徑俱四寸七分五釐五毫一絲

中容積二百二十三寸四百六十分三百一十一

釐六百八十毫

體厚一分四釐二毫

重一百九十二兩

倍無射之鐘

內高七寸三分零一絲

中徑六寸八分四釐六毫九絲

上頂下口內徑俱四寸七分三釐九毫九絲

中容積二百二十二寸一百五十分二百一十一釐二百毫

體厚一分四釐九毫六絲

重二百零二兩二錢

倍應鍾之鐘

內高七寸二分九釐二毫一絲

中徑六寸八分三釐零九絲

上頂下口內徑俱四寸七分二釐三毫九絲

中容積二百二十寸七百七十分二十三釐四十毫

體厚一分五釐七毫六絲

重二百一十三兩

黃鍾之鐘

內高七寸二分九釐

中徑六寸八分二釐六毫六絲

上頂下口內徑俱四寸七分一釐九毫六絲

中容積二百二十寸三百三十九分二百一十一釐五百二十毫

體厚一分五釐九毫八絲

重二百一十六兩

大呂之鐘

內高七寸二分八釐一毫四絲

中徑六寸八分零九毫五絲

上頂下口內徑俱四寸七分零二毫五絲

中容積二百一十八寸九百二十五分三百四十八釐四百八十毫

體厚一分六釐八毫三絲

重二百二十七兩五錢

太簇之鐘

內高七寸二分七釐二毫四絲

中徑六寸七分九釐一毫四絲

上頂下口內徑俱四寸六分八釐四毫四絲

中容積二百一十七寸三百七十二分六百三十

六釐八百毫

體厚一分七釐七毫三絲

重二百三十九兩七錢

夾鍾之鐘

內高七寸二分六釐零四絲



中徑六寸七分六釐七毫四絲

上頂下口內徑四寸六分六釐零四絲

中容積二百一十五寸二百九十七分三百七十

釐九百二十毫

體厚一分八釐九毫三絲

重二百五十六兩

姑洗之鐘

內高七寸二分五釐零二絲

中徑六寸七分四釐七毫一絲

上頂下口內徑俱四寸六分四釐零一絲

中容積二百一十三寸五百五十分五百七十七

釐二百八十毫

體厚一分九釐九毫五絲

重二百六十九兩六錢

仲呂之鐘

內高七寸二分三釐六毫七絲

中徑六寸七分二釐

上頂下口內徑俱四寸六分一釐三毫

中容積二百一十一寸二百一十五分九百一十

一釐四十毫

體厚二分一釐三毫

重二百八十八兩

蕤賓之鐘

內高七寸二分二釐五毫三絲

中徑六寸六分九釐七毫二絲

上頂下口內徑俱四寸五分九釐零二絲

中容積二百零九寸二百五十分七百六十釐三百二十毫

體厚二分二釐四毫四絲

重三百零三兩四錢

林鍾之鐘

內高七寸二分一釐六毫五絲

中徑六寸六分七釐九豪六絲

上頂下口內徑俱四寸五分七釐二豪六絲

中容積二百零七寸七百二十九分二百零八釐  
八百八十八豪

體厚二分三釐三豪二絲

重三百一十五兩三錢

夷則之鐘

內高七寸二分一釐三豪三絲

中徑六寸六分七釐三豪二絲

上頂下口內徑俱四寸五分六釐六豪二絲

中容積二百零七寸一百八十分四百七十八釐八十豪

體厚二分三釐六豪四絲

重三百一十九兩六錢

南呂之鐘

內高七寸一分九釐七豪二絲

中徑六寸六分四釐一豪一絲

上頂下口內徑俱四寸五分三釐四豪一絲

中容積二百零四寸四百一十三分四百六十六

釐二百四十豪

體厚二分五釐二豪五絲

重三百四十一兩三錢

無射之鐘

內高七寸一分八釐三豪七絲

中徑六寸六分一釐四豪一絲

上頂下口內徑俱四寸五分零七豪一絲

中容積二百零二寸八十四分三百九十八釐七百二十豪

體厚二分二釐六豪

重三百五十九兩五錢

應鍾之鐘

內高七寸一分六釐五豪七絲



中徑六寸五分七釐八豪

上頂下口內徑俱四寸四分七釐一豪

中容積一百九十八寸九百七十一分五百一十

釐四百豪

體厚二分八釐四豪

重三百八十四兩

律呂正義後編曰編鐘十六枚為一虞以陰陽各八以厚薄為次第外形皆同一制高七寸四分四

釐九豪中徑七寸一分四釐六豪上下徑皆五寸  
零三釐九豪其內高中徑上頂下口之度分與夫  
中空容積之多寡實體之厚薄依次遞減焉虞凡  
三簣通高九尺飾以金上簣兩頭雕龍長一丈簣  
上施金鸞五中簣下簣俱長六尺四寸各懸鐘八  
枚中簣上有葉無齒中濶八寸兩旁濶六寸繪五  
彩雲龍下簣上有葉業有牙作水波狀濶二寸左  
右兩虞高六尺四寸虞下有趺長二尺四寸濶一

尺高一尺跌上周圍有垣高三寸垣內雕木為獅  
飾以青獅首出垣七寸二分兩虞貫獅背入跌簣  
虞俱濶三寸六分厚二寸七分兩龍頭銜五彩流  
蘇各五

銅鼓

律呂正義後編曰銅鼓以銅為之徑九寸七分二  
釐為林鍾倍度深一寸六分二釐為林鍾三分之  
一中間隆起徑二寸六分七釐三豪為林鍾二十

分之十一高八寸一釐為林鍾六分之一邊有二孔以黃絨絛懸而擊之按樂書謂高州掘得銅鼓其上隱起三才圖會謂虛其一面懸而擊之乃與今之銅鼓近似蓋古之銅鼓制亦不同今惟當取其近似者為斷耳至于銅點乃銅鼓之小者後世用以為點故以為名今按其節奏先擊點乃擊鼓鼓再擊乃擊銅鼓則是點與銅鼓為應和亦猶將擊鼓先擊棘也

銅點

律呂正義後編曰銅點制如銅鼓而小徑四寸八分六釐為林鍾之度深一寸零八釐為林鍾九分之二中間隆起徑一寸六分二釐為林鍾三分之一高四分八釐六豪為林鍾十分之一邊有二孔以黃絨絛懸而擊之

鉦

律呂正義後編曰鉦以銅為之圓徑六寸四分八

釐為太簇之度中間隆起徑三寸二分四釐為半  
太簇之度高一寸二分九釐六毫為太簇五分之  
一邊寬一寸六分二釐為太簇四分之一中間有  
孔以黃絨絛貫之兩面相擊以和樂按銅鈸始于  
隋九部樂唐乃用之燕樂唐末樂器散亡遼得之  
具于大樂元明史志不載今  
行幸用之蓋仍唐遺制云

蒙古角

律呂正義後編曰蒙古角一名蒙古號木質空心  
上下二節末加鍍金銅口雄雌各一雄者內徑微  
大而聲濁雌者內徑微小而聲清其長短皆相等  
上節長四尺七寸三分一釐為十二倍無射應鍾  
相和之度下節長三尺五寸二分九釐為五倍黃  
鍾大呂相和之度金口長一尺六寸七分二釐九  
豪為三倍姑洗仲呂相和之度口徑七寸二分九  
釐為黃鍾之度雄角上口內徑三分四釐五豪為

二倍黃鍾管之徑雌角上口內徑二分八釐五豪  
為正加四分之一黃鍾管之徑通身黃漆畫五彩  
雲龍貼金銅箍金口上鍍金銅環角口上鍍金銅  
鼻以黃絨絛纏之金口環上繫紅黃粧緞小旛各  
一上口施角哨吹之

哈爾扎克

律呂正義後編曰回樂哈爾扎克以椰為槽面徑  
二寸五分六釐冒以馬首之革碧色槽底中開一



孔徑六分八釐二豪有奇側開三小孔徑二分五釐六豪槽上木柄通長一尺八寸二分有奇圓徑七分二釐九豪柄上一段微巨長三寸四分一釐有奇圓徑一寸一分三釐有奇前面為山口上開圓孔徑四分有奇後面挖空隙長一寸八分二釐有奇濶二分六釐九豪有奇槽下鐵柄長五寸一分二釐方二分四釐三豪其末圓頂以馬尾二縷為絃每縷約八十餘莖其上自山口穿于後繫于

柄上端之二軸其下繫于槽末鐵柄之二環槽面  
施柱以承絃柱距山口一尺四寸五分八釐馬尾  
絃下有鋼絲絃十其下亦繫于鐵柄自柱間小孔  
穿入上繫于木柄左右各五軸自柱間距軸左第  
一絃五寸七分六釐第二絃六寸八分二釐六豪  
第三絃七寸八分七釐有奇第四絃八寸八分五  
釐九豪有奇第五絃九寸七分六釐有奇右第一  
絃六寸零二釐六豪有奇第二絃六寸九分九釐

八豪有奇第三絃七寸九分八釐七豪有奇第四  
絃九寸零一釐有奇第五絃一尺零一釐有奇另  
以圓木桿為弓長二尺一寸零六釐有奇桿本以  
皮條繫銅環長二寸八分八釐以馬尾八十餘  
莖為絃長一尺七寸七分有奇上繫于銅環下繫  
于桿木以弓絃軋馬尾絃應鋼絲絃以取聲

蘇爾奈

律呂正義後編曰回樂蘇爾奈一名瑣唎狀類金口

角木管本小末大上下飾以金木管通長一尺四寸一分四釐上口內徑三分零一豪有奇外徑八分零一豪九絲下口內徑二寸五分五釐一豪五絲外徑三寸零一釐上口安銅管長三寸一分零五豪有奇入管內一寸三分三釐出管外一寸七分七釐銅管上口安蘆哨長三分五釐冒于銅管二分哨上口寬二分四釐木管正面七孔後出一孔左側面一孔距木管上口九寸一分二釐無聲

字正面最下第一孔距上口八寸三分得凡字次  
上第二孔距上口七寸三分三釐得合字次上第  
三孔距上口六寸三分得四字次上第四孔距上  
口五寸三分得乙字次上第五孔距上口四寸二  
分得上字次上第六孔距上口三寸一分九釐得  
尺字次上後出一孔距上口二寸七分得工字最  
上第七孔距上口二寸一分得凡字皆應笛聲

喀爾奈

律呂正義後編曰回樂喀爾奈狀類洋琴木胎中空厚三寸七分一釐七豪九絲前長二尺五寸一分五釐後長九寸一分零二豪寬一尺六寸三分九釐四豪四絲左端直右端曲左端上面施木梁似琴之岳山以繫鋼絃末施木軸似琴之軫入于右端立面孔內轉其軸以定絃之緩急木梁高六分九釐九豪八絲寬一寸二分九釐六豪九絲長與左端等十八絃第一單絃長二尺四寸三分

有奇得合字第二雙絃長二尺四寸零一釐九豪  
二絲得四字第三雙絃長二尺三寸七分有奇得  
乙字第四雙絃長二尺三寸二分七釐有奇得上  
字第五雙絃長二尺二寸五分九釐九豪得尺字  
第六雙絃長二尺一寸八分四釐五豪得工字第  
七雙絃長二尺零八分有奇得凡字第八雙絃長  
一尺九寸七分二釐有奇得六字第九雙絃長一  
尺八寸四分八釐九豪得五字第十雙絃長一尺

七寸三分七釐有奇得乙字第十一雙絃長一尺  
六寸五分八釐八豪得上字第十二雙絃長一尺  
五寸四分五釐有奇得尺字第十三雙絃長一尺  
四寸三分三釐有奇得工字第十四雙絃長一尺  
三寸有奇得凡字第十五雙絃長一尺二寸二分  
一釐有奇得六字第十六雙絃長一尺一寸二分  
八釐有奇得五字第十七雙絃長一尺零四分九  
釐有奇得乙字第十八雙絃長九寸八分二釐九



豪有奇得上字絃下柱形曲與左端曲形相應高七分二釐九豪柱脊距右端五寸一分二釐以手冒撥指彈之取聲

鉦

律呂正義後編曰鉦以銅為之形如盆口徑八寸六分四釐為南呂倍度邊寬八分六釐四豪為南呂十分之二內深一寸二分五釐八豪為南呂十分之三外用木匡鉦邊匡周俱平分三分各穿二

孔以黃絨綆繫鉦于匡匡外二銅環以黃絨繫之  
挂于項

歷代鹵簿皆有鉦而形制不詳通典則曰鉦如大  
銅壘懸而擊之通考則曰形圓如銅鑼明制鹵簿  
有金又有鉦我

朝因之金即鑼鉦則如鑼而有邊然則今之鉦制自唐  
已然而今之金又即宋之鉦矣大抵金之與鉦名  
雖異而實則同今金鼓大樂金則提而擊之鉦則

設而不擊豈金為宋鉦之遺制而鉦存唐之遺意歟

金

律呂正義後編曰金以銅為之面徑一尺四寸五分八釐為黃鍾倍度深二寸二分七釐五豪為夷則半度邊穿二孔以黃絨絛繫于木柄左手提而右手擊之

大銅角

律呂正義後編曰大銅角一名大號以銅為之上  
下二截形如竹筒本細末大通長三尺六寸七分  
二釐為八倍半南呂之度下截長一尺九寸四分  
四釐為四倍半南呂之度下口徑六寸四分八釐  
為一倍半南呂之度上口徑一寸四分四釐為南  
呂三之一上截長與下截等其出于下截上口之  
外者一尺七寸二分八釐為四倍南呂之度上口  
徑四分三釐二豪為南呂十之一嘴長一寸四分

四釐為南呂三之一繫紅黃絛總

小銅角

律呂正義後編曰小銅角一名二號以銅為之上  
截如筒下截如角通長四尺一寸零四釐為九倍  
半南呂之度下截長一尺九寸四分四釐為四倍  
半南呂之度下口徑四寸三分二釐為南呂之度  
上口徑五分一釐八豪為南呂五十分之六上截  
長二尺三寸七分六釐為五倍半南呂之度其出

于下截上口之外者二尺一寸六分為五倍南呂之度上口徑二分一釐六豪為南呂二十分之一繫紅線絛總

大小銅角即長鳴中鳴之遺制或自唐以來名仍其舊而實易之以銅或自元以後始改用銅而因質名角皆不可知然以其聲考之今金鼓大樂陳設

端門大銅角奏龍吟小銅角奏虎嘯用之導迎大銅

角奏大罕波小銅角奏大得勝則猶是長鳴一曲  
三聲中鳴一曲三聲之義也用之

行營大小銅角同奏拏馬號則猶是唐衛公李靖兵  
法遺義也蓋古今制不相襲而義實相因如此

### 方響

律呂正義後編曰方響十六枚以銅為之長濶皆  
一例而厚薄有次第薄者聲濁厚者聲清應十二  
正律四倍律與編磬意同長皆七寸二分九釐為

黃鍾之度濶皆一寸八分二釐二豪為黃鍾四分  
之一其厚為編磬之半近上三分之一背有橫脊  
其厚倍之十六枚共懸一架上下各八架高四尺  
八寸濶二尺二寸繪五綵寶相花上橫梁中間貼  
金火燄珠兩端雕貼金龍頭繫五綵流蘇其下又  
二橫梁上下各實以板梁間鐵條四裏羶鞞黃緞  
以黃絨繩繫方響于上擊以小銅鉦黃線挽手

雲鑼



律呂正義後編曰雲鑼以銅為之十面共一木架

下右為上字

以笛之聲字言

厚二釐五豪二絲應姑洗之

律下中為尺字厚二釐八豪四絲應蕤賓之律下

左為工字厚二釐九豪九絲應夷則之律上左為

凡字厚三釐三豪六絲應無射之律中左為六字

厚三釐七豪八絲應半黃鍾之律中中為五字厚

四釐零四絲應半太簇之律中右為高乙字厚四

釐四豪九絲應半姑洗之律上右為高上字厚五

釐零五絲應半蕤賓之律上中為高尺字厚五釐  
六豪八絲應半夷則之律最上為高工字厚五釐  
九豪八絲應半無射之律架高二尺濶一尺五寸  
柄長五寸五分架上兩端雕貼金雙龍頭繫五絲  
流蘇

雲鑼元史始見於宴樂我

朝乃用於丹陛樂其器小其聲高也起笛之上字猶笛  
管用角律也今以律分考定厥制以黃鍾大吕相

和之半三寸五分二釐九豪為面之外徑以六倍  
黃鍾之倫二千五百八十二分八百零三釐二百  
六十豪為中空容積以無射八分之一五分零五  
豪六絲七忽九微為內深除之開平圓得二寸五  
分五釐零一絲為底之內徑

六倍黃鍾之管聲應  
太簇之律為笛之乙

字其倍無射之分乃應黃鍾之律為笛之四字故  
以六倍黃鍾積為體以倍無射十六分之一為深

乃以無射百分之一四釐零四絲五忽為黃鍾鑼  
之厚加于內深得外深加于底內徑得底外徑以

此定十鍾之外形皆同一制依編鐘三分損益之法求得一十四分為各鍾之厚黃鍾而下其厚遞減則其容積以漸而少故黃鍾以下七分得七正聲黃鍾容積以漸而少故黃鍾以下七分得七正聲黃鍾以上七分得七清聲上下各截二聲

七正聲從下截去四乙二

聲七清聲從上截去凡六二聲

餘五正聲五清聲於律則應四正

律六半律聲數悉合

金口角

律呂正義後編曰金口角舊名瑣唌木管本小末  
大上下金口加蘆哨吹之木管上口內徑三分一  
釐三豪為一倍半黃鍾管之徑下口內徑三倍之  
長九寸八分九釐為本管倍南呂之度除上端吹  
口入管六分三釐餘九寸二分六釐為本管倍無  
射之度最下第一孔距吹口七寸四分一釐七豪  
為本管太簇之度次口第二孔距吹口六寸一分  
七釐四豪為本管仲呂之度次上第三孔距吹口

五寸三分八釐六豪為本管林鍾夷則相和之度  
次上第四孔距吹口四寸二分八釐三豪為本管  
應鍾半黃鍾相和之度次上第五孔距吹口三寸  
三分八釐五豪為本管半夾鍾半姑洗相和之度  
次上第六孔距吹口二寸四分七釐二豪為本管  
半南呂之度次上後出第七孔距吹口一寸九分  
五釐為本管四分大呂之一最上第八孔距吹口  
一寸四分六釐五豪為本管四分蕤賓之一管端

金口長二寸一分六釐為南呂半度管末金口長  
四寸八分六釐為林鍾之度口徑四寸三分二釐  
為南呂之度八孔皆閉為上字于笛為四字開下  
一孔為尺字于笛為乙字開下二孔為工字于笛  
為上字開下三孔為凡字于笛為尺字開下四孔  
為六字于笛為工字開下五孔為五字于笛為凡  
字開下六孔為乙字于笛為六字開下七孔為高  
上字于笛為五字八孔全開為高尺字于笛為高

乙字

瑣吟有似于角又木管金口與金口角名義頗合

按黃鍾一倍半同形管其全管黃鍾之分應簫之

高工字則其倍無射之分當應簫之高乙字即笛

之高上字今通長應笛之低四字為下四音半除

設哨加嘴下二音半

頭管設哨下三音今不加嘴  
下三音加嘴止下二音半是

加嘴能高半音故設哨加嘴  
共下二音半以下皆倣此

是因本小末大而掣

下二音也

末大于本二  
倍當下二音

第一孔太簇之分應簫之



高尺字即笛之高六字今應笛之低乙字為下五  
音半除二音半是掣下三音也

管愈短則掣之分愈多

第二

孔仲呂之分應笛之上字掣下三音半也第三孔  
林鍾夷則相和之分應笛之尺字亦掣下三音半  
也第四孔應鍾半黃鍾相和之分應笛之工字是  
掣下四音半也第五孔半夾鍾半姑洗相和之分  
應笛之凡字掣下五音半也第六孔半南呂之分  
應笛之六字掣下七音半也第七孔四分大呂之

一應笛之五字掣下八音半也第八孔四分林鍾之一應笛之乙字掣下十音半也皆與頭管掣音之理同又按金口角通長實應笛之四字今名為上字者蓋金口角為一倍半黃鍾之管通長本應簫之上字于笛為凡字若頭管加哨則復應笛之上字金口角本小末大又掣下二音乃應笛之四字今欲仍以頭管之字名其分故以上字名古人以頭管先諸樂笛笙聲字皆以頭管而定亦此義

也

口琴

律呂正義後編曰口琴以鐵為之一柄兩股中設一簧柄長三分二釐四豪為太簇二十分之一股長二寸八分八釐為姑洗半度股本相距三分六釐四豪為黃鍾二十分之一股末相距七釐二豪為黃鍾百分之一簧長與股等簧末上曲七分二釐九豪為黃鍾十分之一簧端點以蠟珠銜股鼓簧成音

陳暘樂書曰鹿鳴吹笙鼓簧乃笙中之簧君子陽  
陽左執簧非笙中之簧今民間有鐵葉簧削銳其  
首塞以蠟蜜橫之于口呼吸成音乃簧之變體然  
則所謂鐵簧即今之口琴也

皇朝文獻通考卷一百六十一

欽定四庫全書

皇朝文獻通考卷一百六十二

樂考八

樂器二

石之屬

特磬

律呂正義後編曰案禮記明堂位叔之離磬爾雅  
大磬謂之磬周禮注特磬十二依辰次陳之以應

其方之律朱子云鐘磬有特懸者器大而聲宏故  
於起調畢曲時擊之以為作止之節此皆言特磬  
即孟子所謂玉振是也考工記磬人為磬倨句一  
矩有半其博為一股為二鼓為三後世磬制祖之  
茲當西域耆定和闐採玉豐博可叶鳴球臣工請  
依律琢為特磬十二以儷罇鐘

上集廷議允行

御製銘詞鐫識其上猗歟盛矣今遵

聖祖仁皇帝御定編磬黃鍾之度分倍加以定黃鍾特磬之制用三分損益之法而定以下之十一磬焉磬之股鼓修博攷考工記厚薄悉照律呂正義所載寸分十二磬成悉協律呂之音宮懸合奏以備始終條理之全韶樂大成允昭美備

特磬第一聲應黃鍾之律股修一尺四寸五分八釐鼓修二尺一寸八分七釐股博一尺零九分三釐五毫鼓博七寸二分九釐厚七分二釐九毫



御製銘曰子與有言金聲玉振一虞無雙九成遞進準  
今酌古既製鐃鍾磬不可闕條理始終和闋我疆玉  
山是矗依度採取以命磬叔審音協律咸備中和泗  
濱同拊其質則過圖經所傳浮嶽涇水誰誠見之鳴  
球允此法

天則地股二鼓三依我繹如獸舞鸞髻考樂惟時  
純禧

祖德翼翼繩承撫是萬國益凜保泰敢或伐功敬識歲吉

辛巳乾隆

特磬第一黃鍾

大清乾隆二十有六年歲在辛巳冬十一月乙未朔越  
九日癸卯琢成

特磬第二聲應大呂之呂股修一尺三寸六分五  
釐二毫鼓修二尺零四分七釐八毫股博一尺零  
二分三釐九毫鼓博六寸八分二釐六毫厚七分  
六釐八毫

御製銘同前 特磬第二大呂年月同前

特磬第三聲應太簇之律股修一尺二寸九分六釐鼓修一尺九寸四分四釐股博九寸七分二釐鼓博六寸四分八釐厚八分零九毫

御製銘同前 特磬第三太簇年月同前

特磬第四聲應夾鍾之呂股修一尺二寸一分三釐六毫鼓修一尺八寸二分零四毫股博九寸一分零四毫鼓博六寸零六釐八毫厚八分六釐四

毫

御製銘同前 特磬第四夾鍾年月同前

特磬第五聲應姑洗之律股修一尺一寸五分二釐鼓修一尺七寸二分八釐股博八寸六分四釐鼓博五寸七分六釐厚九分一釐零二絲

御製銘同前 特磬第五姑洗年月同前

特磬第六聲應仲呂之呂股修一尺零七分八釐六毫鼓修一尺六寸一分七釐九毫股博八寸零

八釐九毫五絲鼓博五寸三分九釐三毫厚九分  
七釐二毫

御製銘同前 特磬第六仲呂年月同前

特磬第七聲應蕤賓之律股修一尺零二分四釐  
鼓修一尺五寸三分六釐股博七寸六分八釐鼓  
博五寸一分二釐厚一寸零二釐四毫

御製銘同前 特磬第七蕤賓年月同前

特磬第八聲應林鍾之呂股修九寸七分二釐鼓修

一尺四寸五分八釐股博七寸二分九釐鼓博四寸八分六釐厚一寸零六釐四毫

御製銘同前 特磬第八林鍾年月同前

特磬第九聲應夷則之律股修九寸一分零二毫鼓修一尺三寸六分五釐三毫股博六寸八分二釐六毫五絲鼓博四寸五分五釐一毫厚一寸零七釐八毫七絲

御製銘同前 特磬第九夷則年月同前

特磬第十聲應南呂之呂股修八寸六分四釐鼓  
修一尺二寸九分六釐股博六寸四分八釐鼓博  
四寸三分二釐厚一寸一分五釐二毫

御製銘同前 特磬第十南呂年月同前

特磬第十一聲應無射之律股修八寸零九釐鼓  
修一尺二寸一分三釐五毫股博六寸零六釐七  
毫五絲鼓博四寸零四釐五毫厚一寸二分一釐  
三毫六絲

御製銘同前 特磬第十一無射年月同前

特磬第十二聲應應鍾之呂股修七寸六分八釐  
鼓修一尺一寸五分二釐股博五寸七分六釐鼓  
博三寸八分四釐厚一寸二分九釐六毫

御製銘同前 特磬第十二應鍾年月同前

特磬十二枚各按月律陳設凡有四簣虞第一簣  
虞懸黃鍾大呂太簇三磬第二簣虞懸夾鍾姑洗  
仲呂三磬第三簣虞懸蕤賓林鍾夷則三磬第四



箕虞懸南呂無射應鍾三磬皆以黃絨糾繫之跣  
飾卧鳧白羽朱喙箕端鳳首箕虞之高濶雕飾金  
采流蘇几墊並與罇鍾箕虞同

編磬

律呂正義曰按磬制周禮考工記言之已詳奈注  
者未盡其蘊而制又未按其理故施於用而未合  
存諸簡而無徵也夫倨句一矩有半者倨之為言  
曲也禮記注微曲曰倨大曲曰句蓋句股之角直

為大曲而磬之角鈍故微曲而為倨總之凡句與  
股皆矩也矩之小者為句矩之大者為股句為二  
分股為三分則股為句之一矩又有半譬如小矩  
句為一尺八寸則大矩股為二尺七寸句之一尺  
八寸復加其半九寸非二尺七寸乎下文博為一  
股為二鼓為三正此意也博為廣濶先儒已解之  
博為一乃一分譬如句為一尺八寸則博為九寸  
三分其股博去一以為鼓博者言股博為三分則

鼓博為二分譬如股博為九寸則鼓博為六寸矣  
然首言博為一股為二鼓為三則所謂博者未分  
股博與股廣也今若以股博為股之半則鼓廣復  
去三分之一毋乃太狹若以股博為鼓之半而鼓  
廣為股博之三分之一則體制適合於宜原其故  
蓋因鼓修大於鼓分懸之必偏一側惟鼓之長者  
狹而股之短者反廣則輕重相稱懸之而無偏側  
之慮大矩以擊而言故謂之鼓而小矩反易名曰

股此又見古之句股之名蓋未嘗分大小也為一  
為二為三者一分二分三分之謂非一律二律三  
律之意也黃鍾之九寸三之而二尺七寸以為特  
磬獨懸其一可已若編十六枚而同懸一虞豈能  
勝之今取考工記博一股二鼓三之說依律呂損  
益之法而定制焉一則以黃鍾之律為本使各磬  
大小一制則按十二律呂上下相生之制而為各  
磬之厚薄彼鼓大至二尺七寸者為黃鍾之特磬

矣今若半之為一尺三寸五分則股為九寸鼓博則四寸五分以今尺之度言之則股為七寸二分九釐鼓為一尺零九分三釐五毫股博為五寸四分六釐七毫五絲鼓博則為三寸六分四釐五毫此依黃鍾之律而起度如此既以黃鍾之律為之本或用其全或用其半或用其倍以定其股博鼓廣之度分而使十六器大小長短一制然後以黃鍾之律定一磬之厚為之準如黃鍾今尺度七寸

二分九釐則用其十分之一七分二釐九毫以為一磬之厚審其音與黃鍾之律相應乃以此度倍之得一寸四分五釐八毫復為一磬之厚審其音必與前七分二釐九毫之磬同聲為一音之清濁乃自清音之磬依律呂三分損益之法上下生之則十二磬之厚薄以次皆得乃加二變體之分以為清濁二均七聲之準復於十四分內取其最清音四釐之厚而各半之為最濁音四釐之度而十

四分內最清二音在所不用於是十六磬之制全

爰以配排簫之一十六管而與編鐘並列為雅樂

焉

各磬相生之法亦以倍體為損益之原上下相生以得十有二分至於倍清濁二均之一十四

聲亦取第十二分還生不及原體之一變分與此變分相生再得之十二分用之其變磬之一十有

六則亦取消濁二均下羽至正羽之陰陽各八而用應二倍律二倍呂之四體故取倍體所生之第

四分第三分第二分及第十三分變體半之用此四分並倍體所生之第三第四以至第十二再變

體所生之第十二與黃鍾之一正體共為一十有六其倍體所生之第二與第十三之變體在正羽

之前故不用

律呂正義後編曰編磬十六枚以靈壁石或碧玉  
為之長濶皆同一制其厚薄則有損益應律與鍾  
同倍夷則之磬厚六分零六毫八絲倍南呂之磬  
厚六分四釐八毫倍無射之磬厚六分八釐二毫  
六絲倍應鍾之磬厚七分一釐九毫一絲黃鍾之  
磬厚七分二釐九毫大呂之磬厚七分六釐八毫  
太簇之磬厚八分零九毫夾鍾之磬厚八分六釐  
四毫姑洗之磬厚九分一釐零二絲仲呂之磬厚



九分七釐二毫蕤賓之磬厚一寸零二釐四毫林  
鍾之磬厚一寸零六釐四毫夷則之磬厚一寸零  
七釐八毫七絲南呂之磬厚一寸一分五釐二毫  
無射之磬厚一寸二分一釐三毫六絲應鍾之磬  
厚一寸二分九釐六毫兩面繪金雲龍中心開孔  
以黃絨紉繫之十六枚共懸一箕虞跖飾以卧鳧  
白羽朱喙籍地水紋箕首鳳頭上樹金鳳五上板  
雕彩鳳餘與編鍾箕虞同明代

圜丘磬用玉康熙五十二年制造樂器

祈穀壇亦用玉餘俱用靈璧石周禮簨飾以麟今則鍾簨以龍而磬簨以鳳業亦如之大抵我

朝樂制多因前明之舊而聲音度数之精則我

聖祖仁皇帝所獨得也

土之屬

壘

律呂正義曰管籥諸音全係中空容積之度分初

無預乎管體之厚薄壘雖土樂而生聲亦如管籥之含氣其要亦在中空容積之度分而無預乎外體之厚薄也按風俗通寶慶府志所載壘制其內高三寸五分上下謂古尺度則為今尺之二寸九分上下若謂今尺之三寸五分則與半黃鍾之度為近時用壘內高二寸二分上下則與半夷則南呂相和之度為近如以半黃鍾三寸六分四釐五毫之數為內高則中空容積必得三十二倍黃鍾

之積為體其形制始合於宜以二寸九分之數為  
內高則中空容積必得一十六倍黃鍾之積為體  
其形制始合於宜以半夷則南呂相和之二寸二  
分一釐之數為內高則中空容積必得八倍黃鍾  
之積為體其形制始合於宜至於取音壹以中高  
為準依三分損益之法而前後設孔焉八倍黃鍾  
之壘全體所得聲字適應黃鍾之宮故定為雅樂  
所用而名之曰黃鍾壘其協大呂一均者則用七

倍黃鍾之積為體而諸孔損益之法乃以黃鍾八分之七同形管之律呂相和之分準其度蓋黃鍾八分之七之管實與大呂相應故因以立制而名之曰大呂壎

黃鍾壎以八倍黃鍾之積為體其諸孔之度即用正黃鍾所生律呂之分其內高則半夷則半南呂相和之分為二寸二分一釐七毫其大徑一寸七分二釐二毫底徑一寸一分四釐八毫其頂孔應

黃鍾之律宮聲工字是為此壎全體之聲字焉其  
半無射半應鍾相和之分一寸九分七釐一毫設  
孔應姑洗之律角聲六字為前三孔居中之第一  
孔焉其黃鍾大呂相和之四分之一一寸七分六  
釐四毫設孔應蕤賓之律變徵五字為前三孔之  
居左第二孔焉其太簇夾鍾相和之四分之一一  
寸五分六釐八毫設孔應夷則之律徵聲乙字為  
前三孔之居右第三孔焉其姑洗仲呂相和之四

分之一一寸三分九釐四毫計其序宜應無射之  
律為上字今設孔比無射之律低半音其蕤賓林  
鍾相和之四分之一一寸二分四釐七毫設孔又  
比無射之律高半音爰以此二分相併折中得一  
寸三分二釐設孔乃應無射之律羽聲上字為後  
二孔之居左第四孔焉其次夷則南呂相和之四  
分之一為通體之半設孔比半黃鍾之律變宮尺  
字低半音其無射應鍾相和之四分之一為第一

孔之半設孔乃應半黃鍾之律變宮尺字為後二  
孔之居右第五孔焉較其正半之分則六字之半  
應尺字為下三音蓋最下第一與最上第五為正  
半之分而半比正下三音亦如管籥諸器半體以  
上半分比正分遞下三音之理也至此五孔已畢  
獨遺應太簇之律為凡字者而以頂孔應黃鍾之  
律為工字者代之此黃鍾壎之各孔分也

大呂壎以七倍黃鍾之積為體其諸孔之度即黃



鍾八分之七同形管所生律呂之分其內高則半夷則半南呂相和之分為二寸一分二釐其大徑一寸六分四釐七毫底徑一寸零九釐八毫其頂孔應大呂之呂清宮高工字是為此壎全體之聲字焉其半無射半應鍾相和之分一寸八分八釐五毫設孔應仲呂之呂清角高六字為前三孔之居中第一孔焉其黃鍾大呂相和之四分之一一寸六分八釐七毫設孔應林鍾之呂清變徵高五

字為前三孔之居左第二孔焉其太簇夾鍾相和  
之四分之一一寸四分九釐九毫設孔應南呂之  
呂清徵高乙字為前三孔之居右第三孔焉其姑  
洗仲呂相和之四分之一一寸三分三釐三毫計  
其序宜應應鍾之呂為高上字今設孔比應鍾之  
呂低半音其蕤賓林鍾相和之四分之一一寸一  
分九釐三毫設孔又比應鍾之呂高半音爰以此  
二分相併折中得一寸二分六釐三毫設孔乃應

應鍾之呂清羽高上字為後二孔之居左第四孔  
焉其次夷則南呂相和之四分之一為通體之半  
設孔比半大呂之呂清變宮高尺字低半音其無  
射應鍾相和之四分之一為第一孔之半設孔乃  
應半大呂之呂清變宮高尺字為後二孔之居右  
第五孔焉較其正半之分則高六字之半應高尺  
字亦為下三音矣至此五孔已畢獨遺應夾鍾之  
呂為高凡字者而以頂孔應大呂之呂為高工字

者代之此大呂壎之各孔分也壎之用於雅樂止  
取五聲而無二變其體亦止得六聲而不能備七  
聲之全

五孔並頂孔為六音即添設一孔亦不能得所遺聲字

至於旋宮轉

調則以最近一音借用之或隨調而另製一體此  
所以有雅壎頌壎大小之別也

律呂正義後編曰黃鍾壎以八倍黃鍾積為體內  
高二寸二分三釐腰徑一寸七分一釐七毫底徑  
一寸一分六釐八毫頂上一孔前面四孔後面二

孔頂孔至底為本體黃鍾之分聲應黃鍾之律得  
姑洗簫之工字是為全體翕聲六孔皆閉次前左  
下第一孔為凡字

聲字俱以  
姑洗簫言

乃本體大呂之分得

二寸零八釐八毫

寸分俱自頂  
孔向下直算

凡吹凡字此孔獨

開餘俱閉次前右下第二孔為六字乃本體太簇  
夾鍾相和之分得下寸九分一釐九毫凡吹六字  
此孔及左下一孔皆開餘皆閉次前左上第三孔  
為五字乃本體姑洗之分得一寸七分六釐二毫

凡吹五字此孔及下二孔皆開餘皆閉次前右上  
第四孔為乙字乃本體蕤賓之分得一寸五分六  
釐六毫凡吹乙字前四孔皆開後二孔閉次後右  
第五孔為上字乃本體南呂之分得一寸三分二  
釐一毫凡吹上字此孔及前四孔皆開後左孔閉  
次後左第六孔為尺字乃本體半太簇之分得九  
分九釐一毫凡吹尺字六孔皆開體以燒土為之  
朱漆繪金雲龍垂五彩流蘇為飾

大呂鑪以七倍黃鍾積為體內高二寸一分三釐  
三毫腰徑一寸六分四釐二毫底徑一寸一分一  
釐七毫頂孔至底為本體黃鍾之分聲應大呂之

呂得仲呂簫之工字次前左下第一孔為凡字

聲字

俱以仲呂簫言

乃本體大呂之分得一寸九分九釐八毫

次前右下第二孔為六字乃本體太簇夾鍾相和  
之分得一寸八分三釐六毫次前左上第三孔為  
五字乃本體姑洗之分得一寸六分八釐六毫次

前右上第四孔為乙字乃本體蕤賓之分得一寸  
四分九釐八毫次後右第五孔為上字乃本體南  
呂之分得一寸二分六釐四毫次後左第六孔為  
尺字乃本體半太簇之分得九分四釐八毫體飾  
與黃鍾壎同

前編定黃鍾壎大呂壎各按律呂之分開孔取聲  
陰陽二均無不克諧惟無凡字孔蓋壎之用於雅  
樂止取五聲而無二變其旨已明今以句股三角



之法立為定率比例求之其形制仍與舊式相同而本體自有律分前編之所審定自與律分相合而容積生聲亦與管音同理爰按分開六孔併吹孔為七五聲二變其音悉協蓋至是而壎制乃為盡善云

草之屬

建鼓

律呂正義後編曰以木為匡面徑二尺三寸零四

釐為四倍姑洗之度中徑三尺零七分二釐為面  
徑三之四長三尺四寸五分七釐為六倍姑洗之  
度穿徑為方孔以柱貫其中而樹之趺四足飾以  
卧獅身長一尺七寸二分八釐兩足通長四尺八  
寸六分濶九寸七分二釐厚一寸九分二釐趺上  
為座以受柱高一尺九寸二分座上圓柱二尺四  
寸三分徑四寸八分六釐圓柱之上為托雲以承  
鼓縱長二尺五寸六分濶四寸三分二釐橫長一

尺五寸三分六釐濶九寸七分二釐中心厚四寸  
三分二釐柱貫鼓上出以擎蓋上圓下方四尺二  
寸三分四釐八毫高一尺五寸三分六釐蒙以繡  
雲龍黃緞衣蓋上壓梁四角龍首出角外一尺二  
寸九分六釐中安金頂高八寸零九釐上植金鸞  
高一尺零七分八釐六毫長一尺九寸四分四釐  
鼓面繪五彩雲龍緣邊金釘二層繪五彩蓮花鼓  
匡并柱跌座皆髹以金鼓匡兩旁各二盤龍銜小

金環四環及龍首鸞口並垂五綵流蘇為飾

明堂位曰殷楹鼓周大射禮用建鼓鄭康成曰植者為楹貫而樹之楹謂之柱貫中上出建猶樹也以木貫而載之樹之跗也隋志曰近代相承植而貫之謂之建鼓又棲鸞於其上不知何代所加唐宋建鼓亦仍隋志元史樹鼓四每樹三鼓中植以柱曰建鼓旁挾二小鼓曰鞀曰應至明會典則曰應鼓制與今同顧其所以名應鼓者或以其度小

於晉鼓而名之然孔穎達謂應鞞為應和建鼓則建者不當名應仍曰建鼓可也周禮鼓人掌教六鼓四金之音聲以節聲樂今中和韶樂每歌句終即擊鼓衆樂皆止是止之節也鼓再擊少間復一擊乃再歌衆樂復作是作之節也體用皆不失古蓋其制至善其聲至和且草木一聲無容奇巧故古制至今存也

搏拊

律呂正義曰周禮大師大祭祀率瞽登鼓令奏擊拊下管播樂器令奏鼓鞀注云擊拊瞽乃歌拊形如鼓以韋為之著之以糠鞀小鼓也蓋古者登歌堂上拊以先之管在堂下鼓鞀以引之先擊小鼓乃擊大鼓然後衆樂皆作也拊與鞀堂上堂下相須為用以成歌奏之節後世鞀雅春牘不存而拊僅存焉相傳用熟皮為之長一尺四寸面徑七寸實之以糠是亦草之音也今定制以黃鍾之長為

徑倍之為長庶數有所依而法有所立矣

律呂正義後編曰搏拊如鼓而小面徑七寸二分九釐為黃鍾之度長一尺四寸五分八釐為倍黃鍾之度腰徑九寸七分二釐為面徑三之四漆繪與建鼓同匡之上面施金盤龍二銜小金環以黃絨絛繫之橫置之趺趺高一尺一寸五分二釐長一尺三寸六分五釐二毫濶九寸一分零二毫凡合樂工人掛於頸以手擊之每鼓一擊則搏拊兩

擊以為應和之節

搏拊遠古之制不可考元史猶云中實以糠至明  
會典則曰木匡冒以革其器尚存長為面之倍腰  
徑加面三之一則與鼗鼓制同但形體小耳劉熙  
釋名曰在後曰應然則今之搏拊又即古應鞞之  
遺法耶

杖鼓

律呂正義後編曰杖鼓上下二面木匡細腰匡高



一尺九寸四分四釐為三倍太簇之度腰徑二寸  
八分八釐為姑洗半度兩端徑八寸一分為黃鍾  
九分之十上下二面鐵圈徑一尺二寸九分六釐  
為太簇倍度冒以草冒縫綠皮掩錢面匡俱黃油  
地繪五彩雲龍上下鼓邊貼金如意頭鐵鈎各六  
交錯相對以黃絨綆聯之而緊束其腰紅緞鼓衣  
綠緞瀝水銷金雲龍以紅漆竹半擊之

杖鼓之制始於漢魏而隋唐以來因之今杖鼓有

大小二種大者用於丹陛樂小者用於清樂

小杖鼓

律呂正義後編曰案元史扎鼓制如杖鼓而小左手持而右手擊之蓋後周杖鼓有三等之遺制也今以數考之或為杖鼓三分之二或為二分之一餘俱與杖鼓同

俳鼓

律呂正義後編曰朝鮮國俳鼓制與鹵簿龍鼓相

似但其制微小耳面徑一尺六寸九分六釐為倍  
太簇之度腰徑一尺三寸六分四釐為倍大呂之  
度厚四寸三分二釐為南呂之度面粉油匡硃油  
繪五彩雲龍兩旁各施銅環以黃扁絲繫於項  
達卜

律呂正義後編曰回樂達卜木匡冒以草面徑一  
尺三寸六分五釐二毫高二寸二分七釐五毫又  
一具面徑一尺二寸二分四釐高一寸六分二釐

以手指擊之

那噶喇

律呂正義後編曰回樂那噶喇狀類行鼓鐵匡上  
大下小冒以草面徑六寸四分八釐底徑二寸六  
分二釐八毫高四寸八分六釐以二木杖擊之  
大鼓

律呂正義後編曰大鼓以木為匡冒以草面徑二  
尺六寸四分五釐為五倍黃鍾之度中圓加三之

一徑四尺八寸六分爲十倍林鍾之度高三尺二寸四分爲五倍太簇之度面黃油匡硃油繪五彩雲龍腹內安銅膽周圍鍍金釘四旁鍍金環半懸架上架高六尺寬五尺五寸油飾彩畫同匡柱頭貼金蹲獅高一尺一寸油中釘鍍金鈎以掛鼓環紅紵絲鼓衣綠紵絲瀝水銷金雲龍擊以紅漆槌鼓蹈硃油長二尺二寸五分上層高濶各八寸五分下層高九寸五分底濶一尺七寸

按禮器縣鼓在西應鼓在東孔穎達謂縣鼓為大鼓陳暘謂後世大鼓即古鼗鼓以今考之古之大鼓皆長過於面而橫縣於簣今則面過於長而平縣於架然則今之大鼓非古之大鼓也隋唐鼓吹有大鼓其制未詳然用之大駕則非縣於簣虞可知宋有散鼓教坊鼓樂圖皆平置與今大鼓相似元用之宴樂前明乃用於丹陛樂我

朝因之至於合樂則以鼓發聲亦猶周禮播樂鼓輦之

義蓋堂下樂無柷故也

龍鼓

律呂正義後編曰龍鼓木匡冒以革面徑一尺五寸三分六釐為三倍蕤賓之度腰徑一尺七寸二分八釐為二倍姑洗之度高六寸四分八釐為太簇之度面粉油匡硃油繪五彩雲龍四旁貼金銅環繫以黃絨緋紅緞鼓衣綠緞漚水銷金雲龍架用硃紅攢竹三根各釘貼金鐵環以黃絨緋聯之

陳則置鼓於架行則掛鼓於項槌二紅油柄綠油槌頭

歷代鹵簿鼓名不一制亦不詳宋陳旴謂鈇鼓宜為鼓吹鈇歌之鼓元金鼓隊鼓二十四人明鹵簿樂亦曰金鼓左右各鼓二十四面徑一尺七寸與今制合但樂圖鈇鼓橫懸而有蓋今則平置而有衣蓋因草損益代有不同而我

朝鼓制固仍元明之舊云



導迎鼓

律呂正義後編曰導迎鼓制如大鼓而小面徑二尺零四分八釐為四倍蕤賓之度腰徑二尺四寸三分為五倍林鍾之度高一尺六寸二分為二倍半太簇之度面粉油匡硃油繪五彩雲龍腹內安銅膽周圍鍍金釘四旁鍍金環紅漆木杠黃絨綆舉之擊以紅漆槌鼓衣瀝水俱紅緞織五綵雲龍行鼓

律呂正義後編曰行鼓一名陀羅鼓木匡上大下  
小冒以草面徑一尺零八分爲二倍半南呂之度  
腰徑一尺二寸九分六釐爲三倍南呂之度高一  
尺五寸一分二釐爲三倍半南呂之度底徑五寸  
一分八釐九毫爲南呂五分之六面粉油匡硃漆  
繪金絲雲龍貼金銅釘鉞環繫以黃絨絛跨於馬  
上架三柱高三尺橫檻各二長九寸硃漆描金雲  
龍中心以鐵爲樞三檻相銜以時闔闢柱上鐫金

鐵鈎下馬陳樂則懸鼓於架

行鼓上天下小為便跨於馬上耳唐有三面鼓形如缸首廣下銳腹廣不過首冒以氍皮下當地則不冒制亦類此

手鼓

律呂正義後編曰手鼓以木為匡冒以草面徑九寸一分零二毫為倍夷則之度腰徑一尺零二分四釐為倍蕤賓之度厚二寸一分六釐為半南呂

之度頂高二寸柄並托雲共長一尺五寸鼓面粉  
油匡柄硃油繪五彩雲龍緣邊鍍金釘頂及托雲  
皆塗金左手持而右手以槌擊之案手鼓之制不  
知其所自起明王圻三才圖會手鼓制扁而小今  
清樂用之



皇朝文獻通考卷一百六十二